



**Quæstionum Canonicarum, In Quinque Libros
Decretalium, Tomus ...**

In Librum II. Decretalium, Per Triginta Titulos Distributum, In Quo Agitur
De Judiciis, Foro Competenti, Libelli Oblatione, Mutuis petitionibus, ...

Krimer, Ferdinand

Augustæ Vindelicorum, 1708

§. V. De Actore.

[urn:nbn:de:hbz:466:1-73001](#)

183.

Communis tenet ; quod sententia judicialis , justa tam formaliter , quam materialiter , obliget naturaliter , seu in conscientia ; cum habeat vim præcepti , ac legis privata à Superiori legitimo latæ , leges autem justæ , quantumvis sint juris positivi solum humani , naturaliter obligant , prout constat ex L. 1. decret. Tit. 2. à numer. 233. secùs est , quando est manifestè injusta , substantialiter , atque adeò irrita , & nulla ; sic enim se perinde (ad effectum obligandi naturaliter) habet , ac si in re non emanasset.

184.

Eiusmodi sententiae substantialiter , ac manifestè injustæ habentur omnes illæ. 1. quæ continent manifestam injustitiam , vel intolerabilem errorem , & haec non indigent appellatione ; nec , ut ordine judicatio revocentur ; sed solum , ut de nullitate constet , ne concipient scandalum , qui illam noverunt , c. inter ceteras , de sent. & re judic. c. per tuas , de sent. excom. v. g. quando lata est contra leges & canones , c. 1. de sent. & re judic. c. ei , qui appellat. 2. q. 6. 2. si sententia condemnat hominem propter factum licitum , vel damnat ad faciendum aliquid inhonestum , & impossibile , tunc si hoc exprimitur in ipsa sententia , est nulla ; 3. si sententia lata est post appellationem legitimam , de qua constat , est nulla , c. per tuas , cit. 4. si non continet condemnationem , vel absolutionem , cum sit definitiva , c. ei , qui ; 5. quando sententia profertur ab eo , quem constat non esse Judicem , ut si Ordinarius ferat sententiam contra exemplum , c. nullus , de paroch. 6. quando Judex est suspensus , excommunicatus , vel interdictus , & simul denunciatus , c. audivimus , 24. q. 1. 7. quando datur contra legitima privilegia , c. quando , de privileg. 8. quando sententia datur contra ordinem juris , qui est de substantia judicii , & de quo , si deficiat , statutum est in jure , ut sententia sit nulla. Hos casus referunt glossa c. inter ceteras , de sent. & re jud. & c. per tuas , de sent. excom. & c. statuimus , eod. in 6. Sylvester V. sententia , c. 5.

185.

Præter hæc not. 1. per sententiam injustam ex parte Judicis ; vel etiam injustam ex parte Rei , nullam induci ob-

ligationem ; id , quod ostendimus lib. 1. decret. à n. 234. Nam in illo casu deficit in Judice jurisdicçio ; in Reo , subjectio. Si autem non constet de iniquitate , parendum erit sententia ; cum pro ea stet præsumptio , Judicem ritè functum munere suo , quæ fundatur in communi bono id exigente ad tranquillitatem Reipublicæ.

Not. 2. Reum condemnatum per sententiam , justam quidem secundum allegata , & probata ; injustam autem in re , propter quandam falsitatem , quæ in substantia intervenit , in foro quidem externo teneri ad parendum ; non autem in foro conscientiæ , si de illius iniquitia certus sit ; qualiter communiter docetur , jussum sub pena excommunicationis convivere Bertæ , tanquam Uxor secundum allegata & probata , licet in re falsa sint ; in foro quidem externo debere se accommodare excommunicationi ; non in foro conscientiæ , cum procedat ex suppositione , de cuius falsitate Reo constat.

Q. V.

De Actore.

Quis ex litigantibus sis Actor ? constat ex dict. à num. 9. in quibus pari , vel impari jure cum Reo gaudeat ? diximus à numer. 141. Inter alias quæstiones moveri solet etiam hæc , quid iuris sit in casu , quo Actor à Reo plus , aut minus petit , quam sibi debeatur . Sed ad hoc dicemus tit. 11. de plus petitionibus. Altera quæstio est , an , & qualiter Actor in eod. libello possit actiones cumulare ? Verum ad hoc dicetur tit. 3. de libelli oblatione. Tertia quæstio est , quinam possint , vel non possint agere , aut in jus vocare ? Ad hoc responsum est supr. à numer. 15. & seqq. ubi diximus de his , qui habent legitimam personam standi in judicio tam activè , quam passivè . Et quamvis pœna temerè litigantium communes sint tam Reo , quam Actori , de illis tamen hoc loco dicendum videtur.

Universalis pœna temerè litigantium est , quod

quod condementur in expensas, & damnatio, Adversario secura secundum allegationem ab ipso factam, salvo moderamine à Judice faciendo. Constat hoc ex variis utriusque juris textibus. Satis clare id habetur L. 13. Q. 2. C. de Judic. ibi: si nihil sufficiens actitatum est, ex quo possit de termino causae certa fieri conjectura, volumus non solum partem fugientem (id est, Reum) ab observatione judicij relaxare, sed etiam in omnes expensas, quæ consueto modo circa lites expenduntur, eum (actorem) condemnare, verâ quantitate earum, Sacramento fugientis, manifestandâ, & omni cautelâ, quam super lite Reus exposuit, reddenda. & L. 15. cod. ibi: Sancimus, omnes Judices, si quando absens persona citata postea apparuerit, non aliter ei judiciale aditum revelare, sed omnem claudere ei judiciorum copiam, nisi prius omnia damna restituat ex hujusmodi vitio adversariis ejus inflata.

188. Pro quorum intelligentia not. 1. *Litigatorem esse*, qui item agit, & distingui a *Litigioso*, quia hic frequens in litibus versatur, & quavis ex cœla movet item, juxta proverbium: *Litem movebit, si vel asinus mordet canem*. Talis sacrâ initiatâ prohibetur dist. 46. Apud Juristas in *Novell. de litig. & de cav. Q. 1. const. 112.* intelligitur Res *litigiosa* sive mobilis, sive immobilia, seu se ipsam movens, de cuius quidem dominio inter Actorem & Reum movetur quæstio, sive citatione ad magistratum factâ, sive precibus Imperatori oblatis, & Judici insinuatis, & per ipsum adversario ejus, qui Principem adiit, cognitis. *Adversarius*, alio nomine *adversa pars propriæ* dicitur, qui adversus nos stat, vel litigat in judicio, L. 9. ff. de except. L. ff. de feriis.

Not. 2. ex Actoribus quosdam esse, qui dicuntur *Concinnatores litium*, quorum fecit mentionem Ulpianus in L. ne quiquam, Q. circa advocates, ff. de officiis procon. ut interpretatur Alex. Neapolitan. l. 4. genial. diet. c. 15. sunt qui novas lites, simulatis captionibus, & cavilis improbis, in longum ducere moliebantur; cum eis jure agere non licet. *Concinnare* enim est rem effictis mendacis, & omnibus lenociniis perpolire. *Vilitigator* est quasi sectator litium. *Temerarius*

litigator quis sit? patebit elucidata duplicitate illa voce: *temerarius* enim apud Martian. L. 1, C. ad 5. c. Turpil. dicitur, non qui plus audet, quam oportet; sed qui facile, nullo adhibito consilio, credit. Unde temere litigare, & controversiam movere dicebatur Actor, qui nullum litigi titulum, sive justam causam proferre poterat, L. 29. §. 1. ff. de liber. cauf.

Not. 3. hoc ipsum (nimis, absque ultra justa causa litigare, aut se offerre liti) accipi in varia significatione. Nam L. 6. ff. de procur. procurator offerre se liti dicitur, qui sine mandato pro Reo comparet, & litigat: id quod tunc dicitur fieri, quando falsus assertit, se habere mandatum, quod non habet: offerre etiam se liti, & petitioni dicitur, qui cum non possideat, judicium nihilominus quasi possessio accipit, L. 27. ff. de re vendic. offerre etiam se defensioni dicitur, qui defensoris loco judicium pro alio accipit, his præmissis:

Dicendum est, ubi causa litis fuit prudenter dubia, & in utramque partem erant motiva, quæ habebant rationabilem apparentiam veri, nec debere, nec posse fieri condemnationem in expensas; sed unumquemque sustinere, hoc est, utrinque compensari expensas, prout habetur ex L. 5. Q. 1. C. de fructibus, & litem expensi. ibi: si quis verò conventus bona fide solverit, aut Actor lite desisterit, aut etiam Jūdex non inveniat eum calumniatorem, sed de re dubia litigantem, hic evitabit impensarum condemnationem.

Præter hæc not. à nonnullis dubitari, 190. num inter penas temere litigantium veniat juramentum calumniae? sed dicendum negativè; cum non tendat directè in odium delicti commissi; sed potius, ne committatur; quia hoc juramentum datur, cum quis iura se bona fide, & non animo calumniandi agere, egisse, vel actuatum. Unde juxta Sanchez L. 3. Decal. c. 3. n. 7. jurant de calunnia, qui jurant se bona fide, & non animo calumniandi causam movere, vel aliquid proponere, vel respondere, nec in posterum se facturos. Quarè hoc juramentum continet. 1. Quod non calumniandi animo item moveat. 2. Quod bonam causam se habere putet. 3. Quod in tota lita nullam exiget probationem, nisi quam pro veritate putet esse necessariam. 4. Quod nullam

allegationem ; causâ differendi negotii proponet. 5. Quod nihil causâ patrocinii Judicibus, vel alicui personæ pro hac causa promiserit, vel postea datus sit vel per se, vel per alium. Sed de hoc plura titulo. 7.

191. Not. 2. præter pœnam, de qua n. 187. temerè litigantibus statui etiam pœnam dupli, sed solum in certis casibus, è quibus primus h. betur L. 22. §. 10. C. de jure liber. ibi : illo videlicet observando, & si ex hereditate aliquid heredes surripuerint, vel celaverint, vel amovendum curaverint, postquam fuerint convicti, in duplum hoc restituere, vel hereditatis quantitati computare compellantur ; hoc igitur contingit, si heres celavit bona defuncti, nec in inventarium retulit. Alter habetur ex decisione legis Aquiliæ, quando agitur nomine damni, injuria, aut legatorum locis venerabilibus relictorum. Alia pœna est, quod condemnatus incurrit infamiam ; sed hujus resolutio plurimum pertinet solum ad Legistas.

192. Not. 3. Actorem dici relatè ad actionem juridicam, quæ nihil aliud est, quam jus, quod sibi debetur, in judicio persequendi, ut ait Celsus L. 51. ff. h. t. per jus intelligitur potestas fundans in altero obligationem præstandi aliquid ex justitia ; ly persequendi largè sumi debet pro petitione Actoris, non tantum fundatâ in jure reali, seu in re, sed etiam ad rem, seu personali ; esto talis petitio declinari possit, ac elidi exceptione opposita ; unde qui agit, actione reali, non agit, ut res sua fiat, sed ne nobis invitis ab alio injustè detineatur ; personali, ut quod nondum præstitum est à tali persona, cum tamen jure deberet, præstetur.

193. Not. 4. ex his, quæ tradidi in Tract. Theol. de jure, & just. q. 2. à. 39. *jus in re*, & *jus ad rem*, non differre ex eo, quod illud pariat actionem realem, istud personalem ; quia nihil differt ab altero per id essentialiter, sine quo potest esse (nihil enim potest esse sine suo essentiali distinctivo) sed jus ad rem potest esse sine actione personali ; nam habens reale jus arboris, erga fructus nondum existentes habet jus ad rem, etiam tunc, quando nemo lœdit tale jus : sed hoc casu non habet actionem personalem ; cum haec supponat lœsionem. Nam actio in genere est, jus in judicio perfec-

tuendi, quod sibi debetur, ut dicitur §. 1. Instit. de actionibus. Hæc porro duplex est : una personalis, seu in personam (quam etiam conditionem vocant) quæ quis contendit, sibi alterum, dare aut facere oportere ; altera realis, seu in rem, quæ quis petit rem ut suam. Quia per actionem realem petimus, quod nostrum est, per personalem, quod nostrum non est, sed debetur ; & ideo actio realis rem sequitur ; per eamque vendicari potest res, penes quemque sit ; personalis autem non egreditur personam obligatam.

Dices : Jus erga fructus nondum existentes, est jus in re ; ergo probatio non subsistit, ant. prob. nam ut aliquid terminet jus in re, sufficit, quod moraliter existat :

sed fructus in re non sunt existentes, existunt moraliter in arbore frugifera ; ergo Maj. prob. quia ut aliquid terminet jus in re, sufficit, quod illi sit juridicè unitum ; sed ad hoc sufficit moralis existentia, ergo 2. fructus nondum existentes vendi possunt. 3. Creditor habet jus in te erga gemmam in pignus acceptam pro pecunia mutuata, ut dicitur L. 1. ff. de pignor. sed pecunia solum moraliter est in gemma ; ergo datur jus in re, erga rem solum moraliter existentem. 4. actio personalis est jus contra personam, si lœdat ; ergo datur ante lœsionem. Resp. N. ant. nam quod terminat jus in re, vendicari potest repetitio ne reali ; id, quod non convenit rei, quæ non existit antecedenter ad veram & libetam Domini de illa dispositionem. Ad prob. trans. maj. N. min. nam arbor frugifera non est prudens fundamentum judicandi, fructus existere ; sed tantum existituros esse ; igitur in ea non existunt de præsenti, sed de futuro. Dixi trans. maj. nam ejus probationes non evincunt ejus veritatem. Ad 1. enim Resp. C. maj. N. min. nam quod non est de præsenti, nequit esse iuridicè unitum ; quia quod non est, non traditur ; ad 2. prob. N. ant. nam eo casu non vendit res non existens, sed jus ad rem, quod est de præsenti, & est pretio estimabile. Ad 3. prob. C. maj. nam jus reale pignoris substituti pecuniae mutuò acceptæ, est jus reale in pignus, non in pecuniam. Ad 4. Resp. illud esse jus dunt taxat conditionatum. Unde solum sequitur, quod haberet actionem personalem, si lœderetur ; non autem, quod habeat.

Not.

195. Not. 5. *jus in re*, & *jus ad rem ex eo dif-
ferre*, quod illud respiciat *rem sibi juridicè
devinctam*, seu unitam; istud, *inunitam*,
sed univendam; sic Molina tract. 2.D. 2. per
*unionem autem juridicam intelligo rei tra-
ditionem naturalem*, vel *fictam*, cum titu-
lo sufficienti ad translationem dominii.
Sit enim casus: Emis à Tito, numerata pecu-
niā, equum, & domum; equum tibi
statim tradit; domum spondet se eras tra-
diturum; sed interim alteri vendit, & tra-
dit: in hoc casu habes *jus equi reale*; &
tantum personale domus; at non habes *jus
reale equi ex alio capite*, quām quia illum
habes tibi juridicē unitum; & *tantum personale domus*, quām, quia non habes illam
tibi juridicē unitam; sed *tantum vi juris ex
contraactu emptionis nondum perfectæ
traditione*, eam tibi tradi petis, vel satisficeri
exigis, quantum in eterne, traditam non es-
se; ergo.

196. Dices: *hoc est rem habere sibi
devinctam*, vel *est aliud*, vel *non est aliud*,
quām *habere rem sibi obligatam*? si pri-
mum? per eos terminos relinquitur *jus
in re obscurum*, & inexplicatum; si secun-
dum? locutio est impropria. Nam obli-
gatio propriè non cadit, nisi in rem intel-
lectualē. Confirm. *Dominus* habet *jus
reale* in *mancipium*; *Conductor* non habet
jus reale in *Operarium*; & tamen uterque
habet sibi personam devinctam; ergo *jus
reale* non est bene expositum. Resp. ex
num. præced. *habere rem sibi devinctam*,
idem esse ac *habere rem sibi traditam* tra-
ditione vel naturali, vel *ficta*, intelligendo
per illam rei apprehensionem factam actu
aliquo corporeo, ut manu, pede; per istam
aliquid ex dispositione legum æquivaleens;
nam spectato jure civili regulariter tra-
ditionibus, non nudis pactis, dominia rerum
transferuntur; L. traditionibus, C. de pa-
ctis; dixi 1. spectato jure civili. Nam Wad-
ingus D. 1. de contract. d. 4. §. 1. n. 11.
probabilitet docet, solo actu interno domi-
nium transferri posse in alterum, stando in
jure naturali. Dixi. 2. regulariter. Nam
Doctores communiter docent, hæredita-
tem, vel fideicommissum, loco pio reli-
ctum, non egere traditione juxta L. hære-
des, ff. de acquir. possess. ita Wadingus
loc. cit. Ad confirm. dico, utrumquè ha-
bere sibi personam devinctam, sed non
eodem modo. Nam ille habet sibi man-

cipium devinctum, & secundum se, &
quoad operas; Conduétot verò non há-
bet sibi devinctum operarium quoad se, &
substantiam; sed tantum quoad ope-
ras.

Not. 6. Actorem, conveniendo Reum,
non posse uti qualibet actione, sed priùs di-
spicere debere fundamentum agendi? &
quamvis communiter dicant, *actionem
realē* fundari in jure, quod quis habet *in
re*; *actionem personalem*, in jure, quod quis
habet *ad rem*, exponendo illud, & istud
juxta n. 193. quia tamen hoc fallit juxta
dicta; rectius dicitur, *illam* fundari in ju-
re reali; & *istam* in jure ad rem, juxta utri-
usquè juris expositionem in n. 195. Actio
igitur realis datur adversus eum, qui rem
nostram detinet, etiam si ex nullo contra-
ctu vel quasi, neque ex ullo delicto, vel
quasi, nobis obligetur, quo sensu dicit Imperator
talem nullo jure obligati. Dicitur
autem actio *realis*, quia, dum directe
rem meam peto, juris fictione quasi rem
ipsam videor convenire; nam personam
ex eo præcisè convenio, quia rem meam,
quæ me potenter audire non potest, de-
tinet. Unde hæc actio dicitur ipsi rei in-
hærere: adeoque nulla persona conveni-
ri potest, nisi quæ detinet, vel dolo malo
desit detinere; nam dolus pro possessione
habetur, L. 27. D. 1. ff. de R. J. ibi: si sine
dolo malo amisit possessionem, absolu-
endum est.

Econtrà personalis actio competit ad-
versus eum, qui obligatus est ad aliquid
dandum, vel faciendum ex contractu, vel
quasi; ex delicto, vel quasi: ideo autem
dicitur *personalis*, non quasi sit aliqua
actio, quæ extra personam vagetur; sed
quia datur tantum adversus illam perso-
nam, quæ nobis uno ex dictis modis obli-
gata est, sive rem, quam petimus, posside-
at, sive non, & sive dolo desierit posside-
re, sive non. Unde adversus tertium, quan-
tum vis possideat rem, quam actione per-
sonali petimus, talis actio non datur; quia
cum illo nullum negotium gestum est ab
Actore, vi cuius ipsum haberet sibi obligatum:
v. g. si Petrus detineat equum, quem
tibi Paulus vendidit, sed necdum tradidit,
contra solum Paulum competit actio per-
sonalis.

Porro utraqè actio subdividitur in plu-
res species; sic enim actio alia est *realis*, alia
perfo-

personalis, à termino principaliter intento per petitionem, qui est vel res nostra, vel debita, seu, ut diximus juridicè unitæ, vel non unita, sed unienda; sic ex diversis aliis capitibus denominatione desumpta variae sunt actiones, ut actio civilis, criminalis; alia persecutoria rei, alia poenæ; alia stricti juris, vel bona fidei; persecutio simpli, dupli, &c. de quibus ex professo Legistæ.

§. VI

De Reo.

198. Cum Reus correlative dicatur ad Actorem, &c. 10. de Verb. significat. Reus nuncupetur à re, quæ in judicio ab Actore petitur; & quamvis conscius sceleris non sit, tamen Reus dicatur, quamdiu in judicium aliquid petitur: not etiam Reum, alium esse civilem, alium criminalem; alium necessarium, alium voluntarium. Quando enim quis in judicio convenitur civiliter (juxta dicta n. 4. & seq.) dicitur civilis; si criminaliter, juxta n. 5. & 7. criminalis; si invitus in judicio se sistere compellatur, dicitur reus necessarius; qui autem non invitus, vel ex necessitate præcepti Judicis, sed sponte, v. g. propter aliquod interesse, vel causa boni publici opponit se Actori in judicio (qualiter quandoque contingit, cum citantur illi, qui aliquid in tali negotio suâ interesse putant) dicuntur Rei voluntarii, modò alias habeant legitimam personam standi in judicio, de quo diximus à n. 19. his præmissis:

199. Questio. 1. est, an, & qualiter obligatus sit Reus respondere ad Judicis interrogationem? Ante resolut. notandum plurimas questiones in hac materia à nobis esse resolutas lib. 5. tit. 1. cùm à n. 97. ageremus de Inquisitionibus. Hinc ad questionem, an Reus teneatur se ipsum prodere, ad mandata publica, & edicta generalia, respondimus ibid. n. 103. negative, quod acceipe cum positis ibidem limitationibus. 2. ad questionem, an infamatus, & convictus de uno crimine inquire, ac interrogari possit super aliis occultis? ad quod ibid. n. 157. à nobis responsum est; 3. an talis interrogari super sociis occultis, non laborantibus ullâ infamia? sed ad hoc

respondimus ibid. à n. 162. 4. an Reus juridicè interrogatus teneatur aperire veritatem? ad hoc ibid. à n. 169. responsum est; ubi etiam exposuimus à n. 174. quid dicendum, cum interrogatur non juridicè? &c.

Pro ulteriori intelligentia not. 1. Reum posse à Judice interrogari juridicè, nimis servato juris ordine quoad essentialia; seu, quod idem est, pro illis circumstantiis, in quibus à lege jus habet interrogandi; & non juridicè, nimis servato, si secus; & Reum Judicii interroganti non juridicè, non teneri respondere, ex priori num. constat; quia eō ipso in talibus circumstantiis Judex caret potestate Reum obligandi ad respondendum. Questio autem est, an Reus, si sit negativè, vel positivè dubius, num Judex defacto habeat fundatum jus interrogandi, consequenter, an juridicè interrogatur, teneatur fateri crimen in suum praeciditum; quādiu ipsi nec judicialiter, nec extrajudicialiter constat de tali jure? Resp. negativè; nam stante tali dubio (cum bonâ fide possideat statum illæ dignitatis, seu bonum nomen, & bona tua) non tenetur se spoliare illis, dum jure compellatur ad ea dimittenda.

Dices: in tali casu stat præsumptio pro Judice, quod non procedat, nisi potestate in jure fundatâ; ergo pronuntiadum potius est pro eo, quod tunc parere teneatur Judicii, & respondere ad interrogata. Resp. ex hac ipsa præsumptione pro Judice ex una, & ex possessione bonæ fidei ex altera parte, quæ stat pro Reo, subnascens dubium speculativum, an parendum sit Judicii, elidi posse resolutione practicâ, fundatâ in possessione, quæ militar pro Reo, quod quādiu de possessione bonæ fidei quis non dejicitur certo jure, illâ spoliandus notabit. Hinc complures docent, ut Reus possit juridicè interrogari (nimis cum obligatione respondendi, & fatendi veritatem) requiri, quod fundamentum interrogandi in ipso processu sit probatum, sic, ut hoc ipsum Reo constet; quarè non sufficiunt mera indicia non sufficienter probata, seclusâ accusatione, vel denuntiatione publicâ per Officiales Authoritate publicâ constitutos, de quo pluribus egimus l. 5. tit. 1.

Not. 2. tametsi communiter tradatur, ut dicatur adesse sufficiens fundamentum iuris